

THE CHARTER OF MARYLAND.

V. IPSUMQUE modo baronem de Baltimore et hæredes suos regionis prædictæ cæterorumque omnium præmissorum veros et absolutos dominos et proprietarios (exceptis præ exceptis) salvâ semper fide et ligentia ac dominio directo nobis hæredibus et successoribus nostris debitis pro nobis hæredibus et successoribus nostris facimus creamus et constituimus per præsentem habendum tenendum possidendum et gaudendum prædictam regionem insulas insulas et cætera præmissa præfato modo baroni de Baltimore et hæredibus et assignatis suis ad solum et proprium opus et usum ipsius modo baronis de Baltimore hæredum et assignatorum suorum imperpetuum Tenendum de nobis hæredibus et successoribus nostris regibus Angliæ ut de castro nostro de Windsor in comitatu nostro Berkeiæ in libero et communi foccagio per fidelitatem tantum pro omnibus servitiis et non in capite nec per servitium militare Reddendo inde nobis hæredibus et successoribus nostris duas sagittas Indicas partium illarum apud dictum castrum de Windsor singulis annis tradendas in Die Martis in septimana Paschæ Ac etiam quintam partem omnis metalli aurei et argentei Anglicè *of gold and silver ore*, quod infra prædictos limites de tempore in tempus contigerit inveniri.

VI. UT vero prædicta regio sic a nobis concessa et descripta cæteris omnibus illius terræ regionibus præfulgeat et amplioribus titulis decoretur SCIATIS quod nos de ampliori gratiâ nostrâ certâ scientiâ et mero motu nostris dictam regionem ac insulas in provinciam erigendas esse duximus prout eas ex plenitudine potestatis et prærogativæ nostræ regiæ pro nobis hæredibus et successoribus nostris in provinciam erigimus et incorporamus eamque Terram Mariæ Anglicè MARYLAND nominamus et sic in futuro nominari volumus.

VII. Et quoniam præfatum modo baronem de Baltimore totius provinciæ antedictæ verum dominum et proprietarium superius fecimus et ordinavimus ulterius igitur SCIATIS quod nos pro nobis hæredibus et successoribus nostris eidem modo Baroni (de cujus fide prudentiâ justitiâ et providâ animi circumspeditione plurimum confidimus) et hæredibus suis pro bono et felici dictæ provinciæ regimine leges quascunque sive ad publicum ejusdem provinciæ statum sive ad privatam singulorum utilitatem pertinentes juxta sanas discretionem suas de et cum consilio assensu et approbatione liberorum hominum ejusdem provinciæ vel majoris partis eorundem vel eorum legatorum vel deputatorum quos ad leges condendas quum et quoties opus fuerit a præfato modo barone de Baltimore ac hæredibus suis ac in formâ quæ illi vel illis melior esse videbitur convocari volumus condendi faciendi edendi et sub sigillo prædicti modo baronis de Baltimore ac hæredum suorum promulgandi easque in omnes homines infra dictam provinciam et limites ejusdem pro tempore existentes vel sub illius vel illorum regimine et potestate Terram Mariæ versus navigantes aut inde redeuntes extra vel ad terram Angliæ vel extra vel ad aliqua alia dominia nostra vel aliena ubilibet constituta per multarum impositionem incarcerationem et aliam quamlibet coercionem etiam si oporteat et delicti qualitas id exigerit per membrum vel vitæ privationem per se præfatum modo baronem de Baltimore et hæredes suos seu per deputatum locum tenentem judices justiciarios magistratos officarios et ministros suos secundum tenorem ac veram intentionem præsentium constituendos et conficiendos debite exequendi judicesque et justiciarios magistratos et officarios quoscunque ad quascunque causas et cum quacunque potestate et in formâ quæ præfato modo baroni de Baltimore vel hæredibus suis melior esse videbitur terra illa ac partium illarum mari constituendi et ordinandi crimina item et excessus quoscunque contra hujusmodi leges sive ante judicium acceptum sive post remittendi relaxandi et pardonandi et abolendi cæteraque omnia alia et singula ad justitiæ complementum curiasque prætorias et tribunalia judiciorum formas et procedendi modos pertinentia etiam si de illis expressa in presentibus non fiat mentio ac in curiis prætorias et tribunalibus illis in actionibus sectis causis et negotiis quibuscunque tam criminalibus quam personalibus realibus et mixtis ac prætorias procedendi placita tenendi et terminandi per judices per ipsos delegatos liberam plenam et omnimodam tenore præsentium concedimus potestatem Quas quidem leges sic ut præmittitur promulgandas absolutissimâ juris firmitate niti et ab omnibus hominibus subditis et ligeis nostris hæredum et successorum nostrorum quatenus eas concernunt in partibus illis custodiri et sub pænis in eisdem expressis et exprimendis inviolabiliter observari volumus injungimus præcipimus et mandamus Ita tamen quod leges prædictæ sint rationi consonæ et non sint repugnantes nec contrariæ sed (quoad convenienter fieri poterit) consentaneæ legibus statutis consuetudinibus ac juribus hujus regni nostri Angliæ.

VIII. Et quoniam in tantæ provinciæ regimine repentini casus sæpenumero contingant quibus necesse erit remedium adhiberi antequam liberi tenentes dictæ provinciæ legati vel deputati sui ad leges condendas convocari possint nec idoneum erit continuo tali casu emergente tantum populum convocari Idcirco pro meliori gubernatione tantæ provinciæ volumus et ordinamus ac per præsentem pro

NOBIS